

Sorrutsib takkonârpâ kênakarlune kuviasuktomik, kaninele tetteluarêrpok niakojamut, taimaimat kiojungnangilak, arloalaklunele nellonailivok kuviasupâdlarnerminik. Angutib attaruilivlune pôgutat kajûtallo illivait pôksanginut, illânele nokkarpok sorrusek takkonâromavlugo.

“Kinauvêt?” aperisinnarpok. “Kujannale, kauji-jomangilanga kinaunernik.”

“Jessikamik attekarpunga,” niviarsiak okarpok, “anânamale inuillo illûnatik taivânga Jessemiktui-nak. Anânara sugaluksarlungilak pattaklunga tuckerlungalo putjuklungalo. Takkuît!” Tallinelo takkojautipâk.

Talligik putjutaunermut keujamullônêt tungulâng-amangâgnik itok okarungnarlungilak, illeketamârpore, sorruserle pigannerpok, “Tamânêtsominadlaralloarpok tamât, igville angerarniarpotit mâнна, uvangalo maungarungnairniarpunga.”

“Illâle,” angut okarpok, nippikitôvlune, “angero-maguville maungaromanak voche illuitok nâvlugo, kinalônêt okautinago, unêt attausiardlutit maungarungnalârpotit sulle. Aitorniarpagit amma, mânnale aulartuksauvotit.”

“Aularniarpunga,” niviarsiak okarpok, “ikkajorkârlaulagille perkutitit angerautilugit.”

“Aukak, aukak!” itok kiovok, “sorrusertut nâletsartotut aulartuinarit. Kammatsiarille, voche nâvlugo tautugomangilagit.”

Jess ahailârpok, akpangerlunelo apkosinekut, nellonailivok angitsiarnnerminik. Kâfesiorviublo inuata perkutine nûpait, takkuksaulungilarlo uvlok nâvlugo.

KAPITEL. II. Jessikab oktorluktauninga.

Jess nellagôrtomik nellautsititsivok angernerilauk-taminik, angutiblo allakausâralloaramiuk kaut tamat,